



**ԱՌԱՋՆՈՐԴԱՐԱՆ ՀԱՅՈՑ**  
**ՀԻՄՆԻՍԱՅԻՆ ԱՍԵՐԻԿԱՅԻ ԱՐԵՄՏԵԱՆ ԹԵՄԻ**  
**WESTERN PRELACY**  
**OF THE ARMENIAN APOSTOLIC CHURCH OF AMERICA**  
 Archbishop Moushegh Mardirossian, Prelate  
 Tel: 818-248-7737/8, Fax: 818-248-7745, E-mail: Prelacy@aol.com



**ԱԶԳԱՅԻՆ ԱՌԱՋՆՈՐԴԱՐԱՆԻ ՄԱՏՐԱՆ ՄԵՋ ԱՆԴՐԱՆԻԿ Ս. ՊԱՏԱՐԱԳԻՆ, ԱՌԱՋՆՈՐԴ ՍՐԲԱԶԱՆԸ ՅԱՅՏԱՐԱՐԵՑ**

**Ս. ՏՐԴԱՏԻ ԵՒ Ս. ԱՇԽԵՆԻ ՏՕՆԸ  
 ՀԱՅ ԸՆՏԱՆԻՔԻՆ ՏՕՆՆ Է**

**- ՏԻԿԻՆ ԱՇԽԵՆ ՓԻԼԱՄԵՏԱՆ 25,000 ՏՈՒԱՐ ՆՈՒԻՐԵՑ ԱԶԳԱՅԻՆ ԱՌԱՋՆՈՐԴԱՐԱՆԻՆ**

Հայաստան Աշխարհի առաջին քրիստոնեայ թագաւորն ու թագուհին, Ս. Տրդատ եւ Ս. Աշխէն, իրենց վարքով ու բարեսիրական գործերով մինչեւ այսօր ալ օրինակելի կը մնան մեզի համար, կը հանդիսանան հայ քրիստոնեայ ընտանիքներու ուղեցոյցը, յայտարարեց Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեան, Ս. Տրդատ եւ Ս. Աշխէն տօնին առիթով իր մատուցած Ս. Պատարագին ընթացքին:

Հայաստանի արքայական առաջին քրիստոնեայ ընտանիքին տօնը նշուեցաւ Շաբաթ, 30 Յունիսի երեկոյեան, Ազգային Առաջնորդարանի մատրան մէջ, որ, ինչպէս ծանօթ է, կը կրէ առաքինի թագաւորին ու թագուհիին անունը: Ս. Պատարագին ներկայ էին Հայաստանի Հանրապետութեան Լոս Անճելըսի փոխ հիւպատոս Տիար Յարութիւն Գոճոյեան, մատրան բարերարուհի Տիկին Աշխէն Փիլամեան, Հոգեւորականաց Դասու անդամներ, Ազգային Առաջնորդարանի բարերարներ, Ազգ. Կեդրոնական Վարչութեան անդամ Տիար Խաժակ Տիքիճեան, Ազգային Վարչութեան ու ժողովականութեան ներկայացուցիչներ, ինչպէս նաեւ բազմաթիւ հաւատացեալներ:

Ս. Պատարագի արարողութիւնը սփռուեցաւ Ազգ. Առաջնորդարանի սրահին մէջ հաստատուած պաստառին վրայ:

Իր քարոզին սկզբնաւորութեան, Առաջնորդ Սրբազանը ողջունեց ներկայութիւնը յարգելի հիւրերուն ու հաւատացեալներու բազմութեան: Ան կանգ առաւ այն իրողութեան վրայ, որ Ազգ. Առաջնորդարանին յարկին տակ ասիկա անդրանիկ Ս. Պատարագն Է: Սրբազան Հայրը այնուհետեւ անդրադարձաւ տօնին պատմական հիմքերուն՝ Ս. Գրիգոր Լուսաւորիչի ու Տրդատ թագաւորին միջեւ սկզբնական թշնամանքին, հաւատոյ հօր կրած տառապանքներուն, ապա նաեւ՝ թագաւորին քրիստոնեութեան դարձին ու Հայաստանին ու Հայ ժողովուրդին թագաւորական ընտանիքին մատուցած ծառայութիւններուն ու բարեսիրութեանց: «Այս տօնը թող ըլլայ հայ ընտանիքին օրը, թող մեր ընտանիքները մնան քրիստոնեական մեր

աւանդութեանց եւ ուղիին հաւատարիմ, ու անոնց բարձրացուցած հաւատքի ջահը լուսաւորէ մեր ուղին», եզրափակեց Առաջնորդ Սրբազանը:

Ս. Պատարագի աւարտին, Առաջնորդ Սրբազանն ու հոգեւորականաց դասը ուղղութեան սրահ, ուր տեղի ունեցաւ արարողութեան վերջին բաժինը: Սրբազան Հայրը յայտնեց, որ մատրանս բարերարուին՝ Տիկին Աշխէն Փիլաւճեան, գնահատելով օրուան մթնոլորտը, տօնական այս առիթով, իր կատարած իշխանական նուիրատուութեանց շարքին, Ազգային Առաջնորդարանիս կը կատարէ 25,000 տոլարի նոր նուիրատուութիւն մը: Նշենք, որ այս տօնը նաեւ ազնիւ բարերարուիին անուանակոչութեան տօնն է:

Արարողութեան աւարտին, ներկաները երգեցին «Մեր Հայրենիք»ը եւ «Կիլիկիա» մաղթերգը: Առաջնորդ Սրբազանին թափօրը սրահին դուրս առաջնորդուեցաւ «Տէր Կեցո»ի խմբերգումով:

Ապա, Ազգ. Առաջնորդարանի Տիկնանց Օժանդակ Յանձնախումբը մատուցեց կոկիկ հիւրասիրութիւն մը:

### *DURING THE FIRST HOLY MASS AT THE PRELACY*

## **THE FEAST OF ST. DERTAD AND ST. ASHKHEN IS A CELEBRATION OF THE ARMENIAN FAMILY**

*DECLARED THE PRELATE*

### **- MRS. ASHKHEN PILAVJIAN DONATES \$25,000 TO THE PRELACY**

On the evening of Saturday, June 30, the Feast of St. Dertad and St. Ashkhen was celebrated at the Prelacy with Holy Mass at the Chapel bearing the name of the first Christian king and queen of the Armenian nation. In attendance were Vice-Consul of the Consulate of Armenia Mr. Haroutioun Kojoyan, Chapel benefactor Mrs. Ashkhen Pilavjian, Prelacy sponsors, Central Executive Council member Mr. Khajag Dikijian, Executive Council representatives, and hundreds of faithful.

Prior to the start of his sermon, H.E. Archbishop Moushegh Mardirossian, Prelate, welcomed the faithful to the first Holy Mass taking place at the Prelacy Chapel. In his sermon the Prelate spoke of the history of the Feast, referencing the initial hostility between St. Gregory the Illuminator and King Dertad, the suffering of St. Gregory, and the subsequent conversion to Christianity of King Dertad and his benevolence towards Armenia and its people. “Let this feast be a celebration of the Armenian family; let our families remain loyal to our Christian traditions and let our faith be guide us and illuminate our path”, concluded the Prelate.

At the end of Mass the Prelate and clergy members headed to the “Dikran and Zarouhie Der Ghazarian” Hall to conclude the services. During this time the Prelate announced that on this joyous occasion, Mrs. Ashkhen

Pilavjian pledged \$25,000 to the Prelacy. A reception organized by the Ladies Auxiliary Guild followed.